

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (29022024) / (82)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«29» փետրվարի 2024թ.

(ամսաթիվը)

Սիսիան-Երևան մայրուղու 7-րդ կմ

(կազմման վայրը)

Ես՝ ՀՀ պետական եկամուտների կոմիտեի

Հարավային մաքսատուն-վարչության

(ստորաբաժանման անվանումը)

Ղեկավար Արտաշես Ղամբարյանս, քննելով՝ Իրանի Իսլամական Հանրապետության
քաղաքացի Ալիոեզա Սաբերի (անձնագիր՝ P55832791, հասցե՝ ԻԻՀ, ք.Խոյ)

(քննվող անձի անվանումը, կազմակերպարավական տեսակը, ՀՀՀՀ, պետական գրանցման/բնակության հասցեն, փաստացի գործունեության

հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023 թվականի դեկտեմբերի 04-ին սահմաններում ԻԻՀ քաղաքացի Ալիոեզա Սաբերին իր կողմից շահագործվող 40AA196 պետհամարանիշի բեռնատարով մուտք է գործել ՀՀ:

ՀՄՎ Մեղրիի մաքսային կետ-բաժնի աշխատակցի՝ մաքսային հսկողությունից թաքցված ապրանք ունենալու մասին բանավոր հարցմանն ի պատասխան ԻԻՀ քաղաքացի Ալիոեզա Սաբերին պատասխանել է ոչ, սակայն զննման արդյունքում բեռնատարի կիսակցորդիչի անձնական օգտագործման կողային խցիկի հատակին,

որպես քողարկիչ օգտագործվող սովորաթղթե արկղերի տակից հայտնաբերվել են մաքսային հսկողությունից թաքցված 150 տուփ «PRESTON PEARLS», 40 տուփ «PRESTON NANO CIGARETTES» անվանումներով ծխախոտներ:

Փաստի առթիվ 04.12.2023 թվականին ՀՀ ՊԵԿ ՀՄՎ Մեղրիի մաքսային կետ-բաժնի 2-րդ բաժանմունքի մաքսային տեսուչի կողմից ԻԻՀ քաղաքացի Ալիոեզա Սաբերի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանք՝ այդ

ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝

բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի շրջանակներում թաքցված ծխախոտների շուկայական արժեքները պարզելու նպատակով 07.12.2023 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԳԱԱ «Փորձաքննությունների ազգային բյուրո» ՊՈԱԿ-ի միջև առկա պայմանագիրը, հանձնարարվել է «Փորձաքննությունների ազգային բյուրո» ՊՈԱԿ-ին:

Նկատի ունենալով, որ «Վարչական իրավախախտումների վերաբերյալ» ՀՀ օրենքի 37-րդ հոդվածի համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերվելու օրվանից երկու ամսվա ընթացքում և հաշվի առնելով, որ փորձագետի կողմից դեռևս չի տրվել փորձագիտական եզրակացություն և դրա համար անհրաժեշտ է ավելի երկար ժամկետ, քան վարչական վարույթի համար օրենքով սահմանված ժամկետի ավարտը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով՝ 30.01.2024 թվականին ԻԻՀ քաղաքացի Ալիոեզա Սաբերին նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցված վարչական վարույթը երկարաձգվել է:

Փորձագետի թիվ 23-0302Պ եզրակացության համաձայն՝ 04.12.2023 թվականի դրությամբ՝ 150 տուփ «PRESTON PEARLS» անվանումով ծխախոտների շուկայական արժեքը կկազմեր **450 000 ՀՀ դրամ**, 40 տուփ «PRESTON NANO CIGARETTES» ծխախոտների շուկայական արժեքը կկազմեր **120 000 ՀՀ դրամ**:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է

պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

29.02.2024 թվականին ժամը 16:45-ին նշանակված գործի քննության վերաբերյալ ծանուցագիրը ԻԻՀ քաղաքացի Ալիոեզա Սաբերիին վերաբերյալ ծանուցագիրն առձեռն հնարավոր չի եղել հանձնել, քանի որ նա գտնվել է ՀՀ սահմաններից դուրս: Հիմք ընդունելով վերոգրյալը՝ գործի քննությունն իրականացվել է նրա բացակայությամբ:

Հիմք ընդունելով «Մաքսային կարգավորման մասին» ՀՀ օրենքի 313-րդ, 301-րդ, 332-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածները.

(այն հանգամանքների շարադրումը, որոնք բացահայտվել են գործը քննելիս)

Վարչական մարմինը գտնում է, որ ԻԻՀ քաղաքացի Ալիոեզա Սաբերիի արարքում առկա է «Մաքսային կարգավորման մասին» ՀՀ օրենքի 313-րդ հոդվածով նախատեսված իրավախախտումը:

Հիմք ընդունելով «Մաքսային կարգավորման մասին» ՀՀ օրենքի 313-րդ, 301-րդ, 332-րդ հոդվածները, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածները.

(իրավական ակտի անվանումը, հոդվածը)

Ո Ր Ո Շ Ե Ց Ի

1. Ի՞նչ քաղաքացի Ալիոեզա Սաբերիին «Մաքսային կարգավորման մասին» ՀՀ օրենքի 313-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **1 000 000 ՀՀ դրամ**:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն
(ստորաբաժանման անվանումը)

Ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2024թ.

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: